

西園存稿卷之四目錄

五言近體

和趙澱陽老



廣陵和溝

廣陵琴臺

廣陵九曲池

冬日過韓寅仲尊生齋留酌

古滕道中得家報

訊胡忠父先生二章

綠水園

送韓伯聲令宣化五章

家仲招飲西醮樓

夜宿東山店

贈琴妓

炳兒舉孫堪得報志喜

閣試邊馬有歸心

閣試雲霞出海曙

人日孫一之招飲二章 贈邵熙臣太史冊使唐藩

省南上人 莫春東林咨伯太史二章

贈豫章符念曉貳守 奉和澂師趙相公懷山八咏

為趙公子仁甫贈楊叔嘉 區用孺太史郎中雙槐

送存公歸中州 讀王伯度孝廉方內外言

贈劉浴之進士 南旺湖作

自大野至任城口號 九日平原舟中二章

金山寺逢觀微上人 柬茅平仲

贈閔壽卿入武彞 登金山寺四章

庚子元日過趙鈞甫 夜宴趙文鎮

大安驛 正月十四夜

韓伯舉村坐亭六章 靈洲寺留題

歸興詩三十章 湛園禊事三章

社集城南四章 題登高送遠冊三章

贈馮慕岡四章 讀沈司馬伯含被言十二章

為陳華石比部題畫冊 社集朱太史齋頭二章

東館驛喜晴 鄱陽道中苦熱二章

望麻姑山 蔡池陽郡丞

羅赤城明府

贈池陽太守黃愷秉親家

小麥館喜雨

夜宿吳田舖

寄建德黃明府

午至小溪驛苦熱止宿

元日凌江公署試筆

度嶺憶母

丁未立春日二章

曉發安義喜晴

白護城驛二章

晴望

汶上公署

須句道中寄家信

武陽驛阻雪

武陽驛大雨雪

發鍾陵喜晴二章

葛溪公署阻雪二章

聖後過興安城

立春日胥江驛二章

沙溪舖小憩喜晴

葛陽道中望靈山

夜宿藥笠村

長安公館留題

西園存稿卷之四

羅浮張

萱孟奇甫著

元孫紹遠著

五言近體一

奉和 太史濊陽趙老師遊羅浮詩六章

歲巳卯師以翰林學士忤江陵相左官嶺南泉副同考棘試時余以諸生第一人人試為師所賞識即未獲雋亦感恩知已矣師遊羅浮呼余以從余獻羅浮一賦凡萬

西園存稿 卷之四
餘言因命余次其韻時已卯冬十月也

落日千山寂高天萬木清相期拾瑤草有夢繞層
城瀉月今宵酒吹風何處笙山靈應見待欹枕不
勝情
右宿冲虛觀

扶筇登疊嶂蟻袂跋高霞為尋方外侶來問野人
家磴曲雲常卧林深日易斜呼朋頻命酒同嚙月
中華
右過青霞谷

避地曾遺世逃名但索居五株陶令柳萬卷郭侯
書石髓和雲煮芝田帶月鋤亦知吾道拙便覺世
情疎
右訪石洞山房

地癖塵應斷山空翠欲浮吹霜嵐瘴少溥露樹陰
稠百折羊腸曲千盤鳥道修詩成意蕭颯不是賦
悲秋
右宿黃龍洞

未向墟城去問遊桂海間綺霞垂綵袖香霧染新
鬟不是望夫石非同倚市顏惟看明月下幽意似
相關
右望玉女峰

縹緲三峯外峩峩峰上峰未嘗煩漢禪更幸免秦
封拔地東溟秀摩天南戒宗中宵即見日天外尚

西園存稿

卷之四

右登飛雲頂見日峰

廣陵邗溝懷古

一名韓江魯哀公時吳夫差始爲溝以通
江淮秦漢興不廢至隋大業幸江都乃廣
四十步傍植柳樹故白居易曰西自黃河
東接淮綠影一千三百里于是揚子之江過
堂邑由山陽瀆入淮矣然夫差溝之而吳亡
劉渙濟之而國斃煬帝廣之而隋禍悲夫
不盡邗溝水微茫日夜流潮連揚子渡煙接海門秋
樹影浮荒堞蠟聲到客舟興亡無限意落木共悠悠

廣陵弩臺懷古

臺去城西北四里而近宋沈慶之攻竟陵
王誕時所築以射城中入陳而北齊敬子
猷據廣陵于是陳將吳明徹益增築之亦
伏弩其上遂破子猷故又名吳公臺劉文
房有登吳公臺詩因次其韻

遺鏃聞耕叟登臺傷客心初烟扶岸上片雨隔溪深
往事隨芳艸秋風生遠林南朝一溝水嗚咽到如今

廣陵九曲池懷古

隋煬帝爲木蘭於池上作水調九曲每遊
幸按之故曰九曲池

小調新聲盡池荒徧綠苔晚雲疎遠樹野色上高臺
在州閒能碧蘼花寒未開空憐蛙閣閣曾禱管絃天
冬日過韓寅仲尊生齋畱酌

暝色薄前楹清尊晚復傾長貧非罪歲吾道且等閒
樹有知還鳥欄餘未落英秋光渾不盡蟋蟀兩三聲
古驂道中得家報

正有他鄉淚驚逢故國人計程三閱月問信一舒
紫氣東來合浮雲正北望蕭蕭楊柳色偏逐馬蹄新
胡忠父先生餽白五羊不獲省試輒有江滿
之想作此奉訊

江上初歸客秋風泣路岐無從問季主且欲學鴟
樊生計遊應減風塵老自知雄心當未耗莫訝鬢
邊絲

其二

相逢皆失意之子獨狂歌自笑吹竿去其如按劍

何人歸芳草合門掩落花多尚喜侯葩在時能載
酒過

過陳二酉綠水園時二酉客金陵

爾曳長裾去余蓬短髻來晚風吹杞柳野鳥伴蒿
未看竹何須玉懷人獨上臺開尊聊極目秋色不
堪裁

送韓伯聲令宣化

已翥雲間鳥今乘海上桴為儒稱信史作吏得名
區野色浮葭菼秋聲到蟪蛄懸知下車日紫氣滿

蒼梧

其二

分野三湘北專城百粵西且馴蒲邑雉莫晒武城
雞事簡官能傲山名詩有題亦聞饒桂樹莫惜寄
幽棲

其三

緯象占郎宿清光切上台問程一月至候吏隔州
來柳迎銀艾舞花覆印牀開衙散無長事琴鳴鶴
上臺

其四

此亦趨庭地因君感歲華公衙對銅柱官俸請丹
砂春雨椒多實秋山桂易花倘逢諸絳老試問舊
桑麻

其五

悵別神仙令深慙肺腑盟河橋將進酒津樹遠舍
情好月臨晴水飛花拂去旌應憐江上客歲晏
無成

家仲招飲西醮樓用友人韻卽席賦

傑閣樓平莽清尊傍曲流亂峯新霽合萬井積烟
收酒自高陽侶人同河朔遊倚闌情不極鷗夢正
悠悠

夜宿東山店同吳子燦小酌

共對一尊酒相將萬里程寒深貂毳豎風疾馬蹄
輕驛柳依人綠春星照劔明敝裘吾亦得雨雪任
縱橫

贈琴妓

曾按哀蟬曲閒調冰繭絲日成投果處心挑送鴻

西園存稿 卷之四 五
時自笑臨邛倦空憐緱嶺期夜深香一縷共譜白頭詩

炳兒移家從其婦翁雖南署中舉孫堪而歸
得報志喜

相宅蒼梧勝克閭紫氣迴孫枝今已茁祖德未堪
裁壽母含飴弄衰顏待爾開乃翁元佞佛爾却自
西來

邊馬有歸心 閣試

騰有橫行意其如遠道悲自矜涇水種悔逐并州
兒首帝春能幾蒲萄入尚遲因之嘶野草不爲朔
風吹

雲霞出海曙 閣試

爽氣朝來滿遙瞻若木東影連鮫窟湧綺散蜃樓
空五色正璀璨九光紛鬱葱重暉應表瑞傾向愜
奏表

人口孫一之年丈招飲醉歸賦謝

帝里星爲客王正日是人晴浮雙闕迥暖向百花
新其滿金莖露先邀玉殿春休錢雖未乞尊酒莫

西園存稿 卷之四
辭類

其二

儻直渾多暇開尊已數迴春光逢七日佳氣接三
台歌罷花垂露詩成月上臺不因金鑰永那得玉
山頽

贈邵熙臣太史冊使唐藩

帝胄開荆甸皇華出漢宮青雲分郅桂絳節捧虞
桐湯沐屏藩舊河山帶礪雄勝遊多麗句携得大
風

省南上人長安乞諸朝貴爲書金剛經鐫石
時有中界人欲爲開社者余喜而賦之

已禮名山徧聞棲紫陌邊法從文字乞檀結宰官
緣講席研松露香厨煮艾烟日聞新譯偈先向內
廷傳

莫春東林咨伯太史

帝里春將莫他鄉客獨羣風塵雙短劔天地一畸
人不惜黃金盡空餘白首新應憐掃門者早爲報
平津

其二

恨別驚千里論交憶十年
兵戈衰鬢外樽酒落花前
遠道思芳草深山啼杜鵑
故人在霄漢誰覓孝廉船

贈豫章符念曉貳守臨汀

佐郡推才子分城亞大夫
一囊廬岳句半壁武彝圖
貢罷金休鑿民蠶賦易逋
隙光隣可借莫惜慰來蘇

臨汀地連東粵故有鑛務

其二

凌雲曾共賦抱璧不同歸
才大千時拙官閒乞祿微
嶺雲含日出溪鳥逐花飛
少府原多暇應能念采薇

奉和澂師趙相公懷山八咏用韻

息駕意何如黃扉賦遂初
紫芝長柄鏡白鹿小柴車
日暖松眠鶴溪寒藻上魚
洞門雲五色長護紫泥書

右棲真居士

冥棲疑畏壘妙道自崆峒
竅豈立丁鑿迷將七聖

西園存稿 卷之四
通層城臨窈窕絕巘削鴻濛清切三台近瑤光滿
碧空

右六虛主人

短笛晚烟稠冥鴻起別洲偶隨黃犢去獨與白雲
留洞僻泉聲古山空月色秋時逢息心侶共說采
真遊

右二初牧侶

溪源品鑄細花氣水邊清夢起三竿晏風迴一葉
輕約荷收獨繭對月濯塵纓舟楫從茲去烟波空
復情

右靈溪漁父

嶽嵌寒盞盞鬱律翠盤盤彩散千峰碧光浮萬木
丹疑從赤城舉長共紫芝餐何日來金母相將駕
玉鸞

右紫霞洞叟

鳥道俯岩堯蟬聲破泐濇木腓和石煮基罷帶雲
樵寒水依林曲晴花度竹飄青山吾自老黃鸝不
須招

右白雲樵客

洞闢千年秘寒深五月天遙聞塵是玉曾否火生
蓮坐石看雲起披裘對鹿眠山中無甲子高卧不
知年

右湧雪寒翁

崑古薜封扉樹深雲濕衣瑤華浸月冷仙籟隔花
微白日雙鳧去青天一鶴歸已携東海棗不數
山薇

右玉露丹仙

爲趙公子仁甫贈楊叔嘉

不識楊生面人言宋子都臨風思玉樹對月憶冰
壺秀色宜冷處芳蘭竟體無書裙須綵筆遲爾酒
家胡

咏區川孺太史邸中雙槐

坐愛雙槐蔭庭昏未夕天深枝羣乳雀密葉響高
蟬影碎花磚日晴分御苑烟最宜閒對處朝罷枕
書眠

其二

客散重門靜涼生一院幽
屯雲雙捧蓋護日半依
樓綠滿晴疑雨陰垂暑亦秋
竹間絲竹動急為報瀛洲
唐尚書省有古槐每聞樹間絲竹聲省中即有入相者時朝廷適有大拜之議故竊及之
送存公歸中州

白足何人伴青山幾日程
宿根原慧業餘習得詩
名少室松收粉梁園雪煮鐺
由來乞食處不羨五侯鯖

讀王伯度孝廉方內外言賦此以贈其歸

握手無多日論交憶十年
風塵俱老大道路轉迤
邐城晚霜嘶角江秋浪穩
舩即歸歸亦得書已國門懸

贈劉浴之進士令鹽城

白日鳴琴吏清時製錦才
囊無金錯剩盤有水精
堆近海雲霞滿排衙鶴鶴
來綈袍尊酒別秋色不堪裁

南旺湖作

空濶平開鏡泓澄寒浸雲
青徐一水隔南北二流
分落日烟霞色西風鴈鷺
群漁人不可見歸唱隔

堤聞

自大野至任城口號

今朝纔放溜，爾月苦牽緣。
薄晚市烟積，新晴野渡
誼當鑑。喚嘗酒，繫幟坐挑錢。
頓頓饒蝦菜，疑乘范蠡
蠡舩

九日平原舟中

秋色日云莫，客行猶未休。
微霜渡遠水，寒雨逗歸
舟。九日殊方節，千山落木愁。
不知三徑菊，開遍幾

叢秋

其二

曉霽楓能碧，遙天鴈正孤。
未逢陶令菊，轉憶漢宮
萸。客有白衣至，時方舟者吳黯源以讀禮南還江從錦纜紆。
登高無處所，駐櫂湛村酤。

金山寺逢觀微上人至自里中

福地遊方遍，浮雲意自閒。
江舩乞食去，海會泛杯
還。淨口中冷水，埋名北固山。
因逢故鄉客，一咲出柴關。

東茅平仲

不見茅君久停舟擬蹙過風塵雙鬢改踪跡十年
疎山色饒叢桂江烟吹薜蘿知君應漸老詩律近
如何

贈閔壽卿時壽卿將入武彞卜築

未向桂叢隱時從蓮社遊名山雙短屐塵世一浮
漚把酒月臨水題詩風滿樓更聞買山計欲賦幔

亭秋

壽卿結庵於
金山日一漚

登金山寺四首

濶岸連瓜埠孤標控潤州龍宮鰲並駕鮫室蜃爲
樓隔浦夕陽下他山獨樹秋不須鞭石去此地有
丹丘

其二

水國開金界江天聳玉臺中流雙砥柱一水兩蓬
萊古刹臨無地毫光接上台憑高最簫瑟風雨隔
江來

其三

照水烟鬟矗凌波玉笋孤更疑北海若擎出翠峒
瑚日落蛟龍立天高鶴鶴呼鐘鳴僧不語寒色滿

菰蒲

其四

海口霞明樹波心月渡僧拂雲高頂竹照水下方
燈天遠孤城壯潮平恠石層開過竹院話淨飯共

南能

時有里中僧觀
微者卓錫于此

庚子元日過趙鈞甫絢霞館

歲獻江邊客源尋溪上花林深春似酒日煖樹爲
霞山向樓心躡門隨石嘴斜乘風還有約從爾
胡麻

夜宴趙文鎮環玉館

客有竹林至春歸楊柳時臺當金律翠溪遶土透
迤月下栽桃葉花前譜柘枝君名雖第五何必減
驃騎

大安驛

古驛宿倦客昏鴉啼遠林月當高嶺小花傍短牆
深辮髮盤蟬額當鑪操鳩音行行近鄉國沾酒且
開襟

正月十四夜飲朱廣文齋頭

春風吹首藉夜色淨簣篋三五分今夕寒暄敘一
觴尋山聊輟輓對月欲沾裳燈火歸驂晚應憐似
葛疆

過亡友韓伯舉村正亭故址撫今追昔得詩
六章敢曰招魂亦以當泣

村正音初絕迎薰閣便開玉樓看漸遠華表幾歸
來礙日林初密翻風葉已摧不知若箇樹係汝手
親栽

其二

籬花元的的徑草尚珍珍聲吞柏舟婦血濺影堂
龕往事誰能問交情今始諳千秋還獨擅何必重
生男

共三

主宅依難第遺文起後人一生唯好客到死不言
貧門巷渾如昨池臺倏已新青山空滿地痛絕未
埋身

六四

人欲百身贖余慙一束芻別君如旦夕邈爾隔山

西園存稿 卷之四
河臺徙題詩石林非挂劍柯傷心舊遊處雙屐畏
經過

其五

諸子皆無敵心期如與君風流翻鬼錄魑魅尚人
群白日徂哀壑青天哭斷雲西鄰今夜笛莫遣月
中聞

其六

重過披帷處因悲易箒初亦知須嫁鶯空欲效鳴
驢崗帳參書鬼囊琴卧壁魚自熱簪筆者猶未奏

遺書

伯舉病革以
遺文見囑

靈洲寺留題

已識衣冠氣閒過鷗鷺羣雨鳴當戶竹亭宿渡江
雲倒影孤臺直浮以天一水分逢僧無別話掃石坐
氤氳

歸興詩

余既爲秘書郎僅七月卽欲以病免客有
謂余利齒兒余笑而不答久之得請乃不
能具辦裝錢客曰子固慮餓欲死耳嗟嗟

十五年青衫撲漱道路弗獲博一第今且
被拔擢避世金馬門猶能弄筆硯人王前
可幸無罪亦何必坐擁百城竊民膏脂自
潤求田問舍以驕妻妾令所識窮乏德我
余故起田間先大夫官止一令輒垂橐歸
毋夫人旦夕拮据尚不足佐伏臘兄弟二
三人出且無常衣卽余及仲幸公車續食
猶數令布衾未枕時入子錢家不少休貧
固不忍弃余余又何忍弃貧也今毋夫人
七十有四矣先大夫出館余及仲方困待
公車季弟稍勝喪卽從地下至以未亡人
哭少子幾不欲起遂善病故年來膝下懼
惟余及仲今仲方擁青瑣括蒼山中不可
自拔去而余復羈宦京國隔絕萬里外能
朝嚙指而夕奉輿乎宜歸一被服爲儒屈
首功令然每讀博士家言不終卷輒欲伸
足合眼性故書淫往家金陵亦稍稍能畜
書常竊愧鬼且夜哭矣宇宙如許奈何東

西京後輒令育公腐史寂寂笑人因盡取
二十一史剛潤之補缺畧正繆戾冀成一
家言十且五六計其卒業尚須十年一行
作吏便當高閣千古盛事人壽幾何宜歸
二孔門四科不如明朝一第余有是言世
亦應爾今頭顱可知眉目若此猶能從項
領兒童揄揶鬼子作老嫗倚門粧乎卽當
事者稍爲刻畫亦當別具一脊梁是以道
傍苦釘筵適棘人喉吻耳宜歸三質之鮑

朝連非金史合置丘壑誤嬰簪紱故過鮮
輟輒之客思寡下堂之遇側耳向人輒聞
鴉響出門舉步動涉羊腸汗不受人憐亦
復誰憐之者宜歸四子婦四兒履霜幸免
脫襁學語各授一經陳門羔鴈非所希冀
陶家梨栗或謂過之之父旣遠遊兒當失學
熊丸雖和鯉庭誰立故厲之生子猶恐類
已拆新弗荷能不其懷宜歸五大朝登赤
馬野被緇衣欲附風雲何計數澤况余林

不擇木豆尚戀棧奈情難中輟計不返顧
是歸猶爲晚且兼茲五者故常以此官爲
張生添足乃欲以張生爲此官弄影乎客
亦笑而不荅余遂之戒途因得詩三十章以
見歸興如此知我罪我不復有云

釋騎初逢主垂衣正右文金函宣綵筆玉案護彤
雲步接夔龍武心期麋鹿羣陳情今得請溫語日

遊聞

六二

敢愛東山卧空慙西掖臣一官纔半俸數口未全
貧通籍無多口還家有病身敝裘猶在篋渾未上
緇塵

其三

待詔朝常早封囊出每遲正逢勤吐握豈復惜捐
糜病劇啼方綆愁牽髻欲絲因知賜歸日卽是感
恩時

其四

嶺雲天外白菜服夢中斑留句別朝達著書尋故

山假從黃閣乞身向紫霄還耿耿瞻瓊樹何年再
共攀

其五

微祿何能養遺羹猶及嘗君恩誠浩蕩子舍足倘
佯僮僕歡偏劇詩書卷欲狂獨憐萬里去不辦宿
春糧

其六

官燭然窓夜宮娃品賦年桐陰青瑣月柳色御溝
烟飽食大官饌時分少府錢一朝江上去猶是孝

廉船

其七

宿疴淹殘夏歸心劇早秋嚴霜下庭木寒色上征
裘鳥過塞雲合蟬高關樹愁故林何日到淚滿大
刀頭

其八

何事遊偏倦誰云宦早通養能娛一日貴不羨三
公野濶露零白林秋葉墜紅此時聞斷鴈回首意
無窮

其九

長謝雲霄侶言尋木石居袖香垂露橘饌入躍水
魚秋到酒應熟人歸菊未疎山中多暇日芳草藉
安輿

其十

塞草向人碧江楓幾葉丹漸知秋色好便覺宦情
闌祿薄歸裝穩交窮行路難尚憑知己在時贈
中蘭

其十一

落日烏飛外清秋客望初暗香雲桂動寒影露槐
疎輟史辭綸閣抽簪出玉除且携五色筆歸續未
完書

其十二

湖海已遠適烟霞愜宿緣為官亦破產未老欲歸
田遠樹見倦鳥高枝聞暮蟬此行非躍馬不受
朝鞭

其十三

爽氣薄庭樾淒風吹棘林遙聞關塞笛偏動故園

西園存稿 卷之四
心霜渚鴈寒渡露枝猿夜唵行歌式微者猶不變
南音

其十四

家信來前日客遊能幾時縣官新稅急鄉里舊人
稀更憶含飴母遙嗔失學兒回言寄驛使八月是
歸期

其十五

道遠寒偏早林疎日易斜衣留禪客別酒向野人
賒宦况已如此秋光殊未涯歸乘五石瓠余書畫船也

長泛一溪花

其十六

倚杖看南極前星近少微網羅豈不設鴻鵠奈高
飛黃石昔云沒紫芝今正肥欲尋赤松伴且逐白
雲歸

其十七

時事已大謬我生良不辰豺狼滿關市椎鑿罷耕
民地脉行見絕天心無乃嗔鬱陶河上客御母正
逡巡

其十八

落落孤生者依依國士恩
衣冠輒落下肝膽向平原
南土機杼竭西川鼓角喧
楚些今賦就不為汨羅魂

其十九

蠶叢猶困鬪鴨綠亦論功
不是天亡敵其如聖側
躬謀慙間肉食頌欲賦車攻
已矣勿復道歸從洗耳翁

其二十

故國松楸遠他鄉雨露思
林邊三水合雲外一峯
奇壁水馨香薦渙雲伏臘祠
墓田猶未買風木有餘悲
羅浮之藝塘先塋在焉三水環襟一峯入座
溪山吞吐林木蒼鬱墓廬數椽足稱隱者之
居今歸營菟裘差可優游衡泌矣因念先大夫仕
有遺愛尸祝滇南歿有流風俎豆費舍余以書雖
讀天寵未徵表域尚遙攀
林徒切每念及此輒用潸然

其二十一

弱第瓊常冷連枝曾每違
迷離寒夢杳珍重遠書
稀欲語不得語求歸今始歸
獨憐比翼者不作一行飛

家仲以廣文羈慶元嘗貽書來亦不能無循
該跋吧之感常促余歸請供子舍余曾以三

詩答之因語歸
期想免內顧矣

其二十二

已徧室人謫深知王事敦
啼門兒索飯執爨婦無
禪焚却玉堂草歸從金馬門
宦囊何所似惟見管
城兒

其二十三

馬在傳新怨鹿門尋舊盟
愁來書草草寄罷夢卿
鄉豈是少年別猶懸送道情
到家應問舌愧爾下
機迎

其二十四

榮祿辭青闥歸來夫白頭
讀能破萬卷名欲博千
秋問寢三竿日端居百尺樓
溪上讀書處時時龍
氣滿風雨吼吳鉤

其二十五

婁水千秋擅故司寇郭山一代宗
故可馬欲招雲
杜客李太史高步祝融峰
餘子不足論古人安可
從名山藏便得須覓白雲封

其二十六

西園存稿 卷之四
八月孤帳去三江病客歸迎霜尊味脆輸稻蟹庄
肥更憶芳尊滿空憐秋日輝因聞砧杵動須製艾
荷衣

其二十七

爲問珠岡路余有別業在羅浮之東日珠岡小隱羅浮東復東依人
鷹立架報客鶴開籠曝背花間日穿窓竹下風歸
嘗新社酒一笑秋山空

其二十八

身閒詩律細歸早病魔降且抱耕雲犢時牽吠月

庵西湖橋六六

郡城鷺湖亦曰西湖宋學士東坡安置處嘗築堤曰蘇堤六六橋在

馬榕水漿雙雙

邑有溪曰榕溪即五石瓠繫處

何日柳邊醉陶然

枕玉缸

其二十九

家在羅浮下門迎四百峯有田皆種秫無地不栽
松書向月光讀詩從山色供卽歸歸亦得何必減
元龍

其三十

世路亦多故物情今始諳自信五宜去非關七不

堪雄心愁裏耗歸興病中愁揮手自茲去逢人難
細談

湛園禊事賦得五言近體三首

上巳逢休澣名園得過從分朋慙下駟陶襄化事
余時試南

宮見結客盡元龍共籍花間草遙看檻外峰清歡

殊未厭新月逗疎鐘

其二

樂事名流集芳春藻思催合錢頻乞俸得酒且登

臺綺石雲容矗園多奇石香渠雪竇開主人原解禊曾

濯錦江來仲詔
令蜀

其三

傍斗龍文合邀雲綵筆同朋簪三巳酒花信幾番

風初綠藹高樹疎枝留晚紅憐春須覓句莫遣客

尊空

社集城南得六麻

樞府頻移隊詞林輟視麻分騎珠勒馬共踏玉堤

花一徑水邊曲雙帘樹杪斜行遊愜心賞春色望

中賒

其二

琴尊方潦倒風日轉清嘉坐對娟娟竹詩裁片片
霞官閒常帶酒春懶不飛花悵念紛微緒非關戀
物華

其三

雄談飛玉屑高唱揭金華促坐覆殘局開簾數落
花在桑鳩不語乳草雀爭譁莫負盃中物吾生亦
有涯

其四

法醞分中貴芳園學內家朱甍依柳影綺檻護蘭
芽絕塞誼鼙鼓荒村斷縲車誰云帝城樂應念北
門嗟

題登高送遠冊贈鄭計部輅思社丈出守括
蒼時重陽後一日也

五馬明朝發重陽昨日過看黃留鴈侶載筆綴驪
歌郡僻饒山水詩成付薜蘿憑君問歐冶龍氣近
如何

其二

令節收金序仙郎別玉畿城分闕地接路入越江
微海遠溪為惡郡有好溪舊名為惡山多官不肥獨聞露冕

處時有絲雲飛仙都山以絲雲得名

其三

我輩皆疲戟君今獨剖符拜恩刀是夢得郡劍為
湖地名叢菊看盈把雙旌忽戒途憑高一騁望離思
蒲菰蒲

贈馮慕岡華省來何玉峴南還有序

三君以楚璫誣逮辱在詔繫者五年矣

三事而下積爭之皆不能得而三君者椿

棘中力學不倦為文日益有聲不意黃次

公杜季雅復見今日吾黨幸甚歲甲辰秋

九月二十有三日忽詔釋之僅削籍去

于是公卿百執事成頓首以誦天子明

聖嘉與海內更始是三君以奇人賈奇禍

復以奇福獲奇恩真千載一大奇事也

余在臭味宜有一言為三君加額第未能

彙體以急友誼惟有篆筆以歌帝德而

已時有奏客星于燕野者故稍及之詩凡
四章章四十字

往事誠顛覆今 王自聖明孤臣瀕萬死中詔賜
餘生司馬能逃腐弘羊正待烹已聞干象緯不用
借公卿

其二

僕遯輟駒韋猱狎虎羣乞靈唯九廟蹈尾有三
君補牘如填海排闥空叫雲殊恩原不測寧遣外
庭聞

其三

北關開湯網南冠釋楚纍三君皆以楚事見逮幸能全頂踵
勿復惜捐糜灑血知何地然灰尚有期艱危吾道
在努力賜環時

其四

尚書聞已授孤憤未須申始識雷霆怒終爲天地
仁黃沙虛請室白日照纍臣爲寄豺狼語埋輪尚
有人

讀沈司馬伯含被言十二章有感用來韻却

贈孤憤離懷黯然對深或可觀于同社不必
萬人傳也

聞君抵客戲自是責躬詩彼已亦何有我辰良在
斯升沈那足問巧拙總堪嗤松菊應無恙歸來且
勿疑

其二

君自能工瑟人其共巧養歸與休浩歎旨否已深
嘗厭浥嗟行露陰疑念履霜溝中雖未斷誓欲謝
青黃

其三

未及招山鬼如何觸水工合沙知君鶴已放伯舍
賦部鶴咄彼蟻相同杖履雙峯頂樓臺一水中冥冥
鴻已逝不復落虛弓

其四

世路原傾仄吾儕豈辟便盲風雖鼓浪皓日自行
天雞鷲從爭食夔虵轉共憐昔人殊未達摧抑嘆
迴漣

其五

曾咲嗟來食寧甘
蹴爾羹自能完
寸璧何必易連
城遠草依人碧
深花刺眼明
孤舟春色滿
頓覺一身輕

其六

麴蘖粗能了絺衣
且薄汚盟尋洛社
客伴結高陽
徒大木豈堪斲
原田莫浪圖
行藏君自卜
不必問
玄夫

其七

不信鶴陰和
今知鼠口甘
層龍雖有技
捫虱
談
四策者聞于世
擇蔭皆嫌惡
逢泉豈飲貪
負如何
罔極者猶說
士常耽

其八

宦態不可少
君才獨慮多
障濶誰是柱
廻日苦無
戈南國已如燬
北山今有羅
暫歸臨海嶠
得句報
羊何

其九

借箸心常苦
籌邊計獨勞
一官徒骯髒
兩鬢覺蕭
騷
有穢螢常集
無聲犬亦嗥
宿根原慧業
歸計向

禪逃

其十

物情皆是是之子獨非非便足超賢劫何知杜德
機衆人今齟齬我輩轉歸依獨惜名賢去昂頭問
少微

其十一

未老燭之武無兄直不疑山川豈應舍爵祿莫長
辭此志難具紀外人那得知艱危正吾道賤子且

陳詞

其十二

屋比原生巷纓影貢氏冠高文時共唱古調幾人
彈苦海風波易窮交道路難乾坤殊莽莽從此不
須寬

爲陳華石比部題畫冊

素練留名筆新圖寫遠心何來芳社客獨坐古松
陰有句思香草無言對茂林雙童携數卷應是澤
中塗

朱太史元价以巧夕後五日社集齋頭時診

異彌數旬矣是夕雨月交飛陰晴遞換諸同
好皆有愁霖之賦余得短律二章

星聯杓極北天漏日華東下馬歌匏葉逢人問菊
驚雷聲猶破塊蟾影却吹風變幻由來事陰晴一

瞬中

其二

渠潘堪投轄堂均亦置杯再尋牛渚會太史以巧日入社

疑駕鵲橋來庭漲溪脛緣木而登泉伏珠跳砌花殘檻蝕苔

其憐雲罇魄漏影到污萊

東舒驛喜晴

盱江明日是汝水此中分遠翠澄新爽輕颯蕩積

氛出林鳩喚婦戀棧馬嘶羣最愛槐陰古亭亭落

片雲館有古槐一株其高數丈其蔭數畝

鄱陽道中苦熱

山雨夜來歇火輪朝更然驅車赤日下歸夢白雲

邊道渴漿頻乞馬瘖鞭不前世途渾擾擾暄冷總

堪憐

其二

竟日汗成雨終宵蚊似雷漢陰疲抱甕河朔憶傳
杯敢謂輜軒使真慙襜褕來層冰不可踏悵望玉

真臺

臺據鄱陽最勝處今廢久矣

望麻姑山

久憶麻源勝停鑣欲振衣遙看霞散綺已覺翠成
圍王事嗟伊阻遊人賦式微不能移杖履清夢獨
依依

池陽郡丞蔡洛沙往居金陵與余同席別二
十年遠矣余過池陽適病且謝客不能握手

詩以訊之洛沙長沙人自南昌郡丞移此

蚤譽雄三楚移官得九華宦情甘短袖家世本長
沙曾否音來既相思歲月賒不須重握手世路總
天涯

秋浦羅明府赤城于余有通家之雅且文筆
翩翩臭味同之余過秋浦明府爲之投轄余
值病目不能束帶對晤詩以謝焉

壯邑分湯沐才人勞簿書名山皆載筆化雨日隨
車夢入君章烏庭懸秋浦魚公門無請謁不敢曳

長裾

投贈池陽太守黃愷秉親家

投轄情偏洽開尊語更真君今五馬貴我已二毛
新男女能催老絲緡不厭貧相期百年意慎勿染
風塵

小麥館喜雨

攬轡逢新雨停車坐晚涼響添荒圳水綠遍稿田
秧滴翠烟鬟媚吹風山帶長及私如可詠不惜濕
行裝

夜宿吳田舖望九華山懷黃愷衷蔡洛沙羅
赤城三君子

夜宿吳田舖深林暫解鞍羣公皆好客野老喜迎
官倦鳥溪遙樹流螢竹外欄九華今夜月誰共倚
樓看

寄建德黃明府

有邑大如斗奔流碧似油山山皆抱郭水水僅容
舟白板橋邊屋青帘樹杪樓誰云七里小為政亦
風流

午至小溪驛苦熱止宿

鄉關今咫尺驛路尚迤邐此日已可畏長驅殊自
憐息陰頻擇木傍午卽停鞭詩罷生涼思數聲高
樹蟬

元日凌江公署試筆呈趙司理元峰周廣文
冲霄

頻年留客里此日啓王春鏡裡雙蓬鬢關前萬壑
人嶺梅疑有待江柳已相新歲首逢初雨囚若灑
路塵

其二

試筆裁椒頌停車問柏觴昨宵辭舊臘明日是他
鄉不惜年華換空憐道路長履端得賢主春色滿
行裝

度嶺憶母

去夏纔還里新春卽出關奉輿惟半載攬轡復千
山病減食方健年添鬢漸斑犬書明日返能否慰
慈顏

丁未立春日小憩窰頭公館有感

西園存稿 卷之四
入春經九日此日始名春凍宿麥微動春遲綠未
勻行厨羨菜甲續食薦盤辛寄問樓頭望偏誰憶
遠人

其二

春色何遲莫客心殊鬱陶停鑣投野館撥火煮村
醪細雨釀花氣淒風屯土膏自憐同候鴈歲歲北
行勞

曉發安義喜晴

正月已過半春林未向榮昨宵陰尚翳傍曉月微
明接翅鴉誼煖居巢鳩喚晴客懷今稍快馬首數
峯迎

自護城驛馳張橋時大雨雪輿從多凍人過
響馬舖市酒脯慰勞之遂止宿焉因歌莘澤
之詩獲我心矣偶成二律明日乃行則春二
月朔也

首路嗟疲客嚴裝尚遠征天寒日易短雪重雨猶
傾四牡棲孤店三宵度一程由來事行役不必問
陰晴

其二

荒村名響馬遠客嘆亾羊凍筆裁黃竹淒風起白
楊投膠憐墮指推食徧枯腸久已慙車僂休辭解
橐裝

晴望

遠客春將半天高日乍晴嘯雛乾鵲下游牝蹇驢
鳴寂寂陰陵道遙遙雲夢城停車聊騁望野濶莫
雲平

汶上公署

曷日方傳食遙途且駐鞭草枯汶水斷野濶岳雲
連一塔棲寒照千林起夕烟春心何處託欹枕數
聲鶻

須句道中寄家信

魯國中都地明時使者車道傍見鄉語馬上付家
書塵暗雲常卧春深柳尚疎行行京國近翹首五
云舒

武陽驛阻雪

正月忽已過陰霾殊未開安輿將母去寒車渡江

來棧戀玄黃馬爐殘榻搯灰此行非叱馭輟輒且

徘徊

仄韻開來吟韻沈休
文不通唐近體通之

南浦鐘陵相距一日而近往往車徒不宿春

糧余至武陽值大雨雪當信宿留車徒遂多

凍餒毋夫人惻然吾兒傳食此輩啼饑卽

皇華使者於心安乎乃倒橐裝徧犒之兒萱

頓首退而賦詩以識驛壁

四野渾霏玉千林滿著花桑鳩愁並坐簷雀寂無

譁載道歌黃竹停車賦白華承顏徧推食萍澤不

須嗟

發鍾陵喜晴

喔喔鄰雞動蕭蕭班馬鳴戒徒嗟獨漉問寢報新

晴屋角雀羣下城頭鳥有聲春光纔覺好努力事

長征

其二

簷星高永夜城霧豁微風避濕枝爭誰迎暄草趨

蠅莫愁泥滑滑漸覺日曛曛最喜褰帷處山光四

至同

西園存稿 卷之四
葛溪公署阻雪呈胡星海明府

楚水行應盡吳雲望尚遙
車徒空燁燁雨雪苦漉漉
痛僕卧殘絮巖裝擁敝貂
臨岐得賢主頓覺客愁銷

其二

淒風吹襖被曉雪滿簾篁
虛室已生白他山猶自青
盤餐曾實壁芻秣更克庭
不負投林意王程且暫停

雪後過興安城

行役春將半能逢幾日晴
淖泥膠短轂殘雪照孤城
擁樹雪常濕窺人鳥一鳴
山光寒映日晴翠滿前旌

其二

此是重遊地今來二月天
連宵風攪雪竟日柳迷烟
鳩婦坐山店鳧翁行水田
旅懷何所快杲日馬頭懸

立春日胥江驛東方舟友人時丁未冬十二月二十一日也

潤岸移青翰荒郵滯碧幢已知春信好漸覺病魔
降土脉占微動鷗羣泛自雙一尊聊共適落日尚
牽江

其二

金舸有仙侶篝燈問客津郵籤誼堠吏社鼓審農
神宦薄能將母年殘喜立春微香生遠水花事漸
相新

沙溪舖小憇喜晴

晨征泥滑滑午食日暉暉坐樹鳥雙語負暄人半

屏溪春山溜急野圃標梅肥且憇爐峯下開尊試
絃衣

葛陽道中望靈山

悵望靈山勝徘徊葛水隈輿人能指點空翠轉崔
嵬拔地琅玕碧迎晴菡萏開流雲猶解意馬首送
青來

夜宿藥笠村時護行者龍南尉項君志田詩
以貽之

問關萬里客黯淡數家村館伴勞梅尉饗人候竹

西園存稿 卷之四
門石橫溪自怒山寂鳥長喧最愛停車處丹楓滿
綠原

長步公館留題

野店名長步荒郵駐遠征 王程嗟束急堠吏喜
逢迎一壑烟霞色數家雞犬聲鄉關今幾許馬首
片雲橫

西園存稿卷之五目錄

五言近體

韓伯聲後圃梅花盛開招賞未赴二章

駱勉叔見訪詩以贈之二章

車一中還里見過留酌

伯祥姪謁銓北上詩以別之二章

伏日招同李黃陳三廣文汎集二章

韓雲屏以法糊見示賦而謝之

唐明府以馴鹿見貽賦此呈謝

蕭還拙還里二章

鄧玄度觀察以歸興十章見寄用來韻

借乘沈二尹畫舫入郡

暮春同郭善伯塾師謝孟忠外姪入郡

病中柬兩修丈人

八月初八夜宿浮翠堂

戊午初度里中諸君子以詩見壽賦此奉謝

駱鷺汀七十有一二章

己未中和節柬韓寅仲

三月三十日問韓寅仲病

己未生日郭善伯以詩見壽率爾賦謝

庚申元日試筆二章

春日鷄足山人見訪賦此奉謝

魯文卿以便面詩作寄字并畫見投用來韻賦答

七月九日五噫

匡雲僧以詩見訪用來韻却答

秋日李伯開見訪用來韻二章

李伯開見過小園用來韻却答

九月七日雨中李伯開欲過小園用前韻

贈羊城某文學宣泰昌 新詔於潮

米山人客困寶安詩以招之

辛酉秋日寓五羊喜寅仲至

過蘇汝載同韓寅仲偶談東事

辛酉秋日過訪張文弱不遇

壬戌元日試筆三章

仲師宗雅見過小園喜而賦贈二章

癸亥元日試筆二章

人日戲筆

八日江行東黎倩

雲陽文學江孟辰過訪小園寄懷荆璞巖大父二章

步韻寄和虔鎮唐美承中丞見貽

重過小桃源

問匡雲僧病

汪士元叅軍冬日以詩見懷用來韻寄荅

苦雨

恩詔賜復冠帶縣大夫雨中携酒賜賀呈謝六章

甲子秋七月入寶安過訪鄧玄度觀察鏡園

用杜少陵遊何將軍山林十詩四十韻

冬夜韓寅仲趙裕子見過留酌二章

乙丑人日韓明府訂過蠹閣詩以迎之

寶安王幼度明府以戈船見迎二章

贈汪士元叅軍歸四明有感二章

漲解行園即事四章

乙丑春正月重入鏡園復次少陵重過何氏

山林二十韻得詩五章

贈歐嘉可

何仲升總戎以戈船護行賦謝

丁卯夏偕郡侯徐公韶階入羅浮

東還留別羊城同社諸君子

次石龍寄訊鄧玄度社長

冊中九日

望羅浮

劉覲國方伯以閱甫亭索詩賦贈

贈冰上人二章

病起答友三章

贈琴妓

過飲黃周士園二章

贈徐九瀛觀察

題華誥天中卷

病中奉和伯聲親家送菊

病齒

初夏何凝生以詩見訊次來韻

贈陳孔嘉還福唐應棘試

病間桃源主人以微恙謝客詩以訊之

正月五日立春

壽韓寅仲七十有一

賀海豐令周公課最

辛未冬閏寶安黎宗瀚先輩過訪西園用來

韻答之

甲戌孟秋陸觀察以詩見貽用來韻賦謝二章

邑佐潘侯偕鄉友移樽小園賦謝二章

丙子生日譚廣文以詩見壽用來韻賦謝二章

六言近體目錄

抵家

五月三日偕李自得韓寅仲羅謙之汎舟

西園存稿卷之五

羅浮張 營孟奇甫著

元孫紹演來孫國樞補

五言近體二

韓伯聲後圃梅花盛開招賞冗奪不獲赴詩
以謝之

歲臘寒仍淺君家春最先
臨風應片片影月想娟娟
綵筆廣平賦冰肌姑射僊
芳園無俗駕不得笑巡簷

又

西園存稿 卷之五
種梅三百本不放一枝花聞說陶潛宅渾如處士
家淡香吹旖旎疎影送橫斜爲語縞衣舞羅浮路
不賒

駱勉叔余四十年前同席友也一日扁舟見
訪詩以贈之

憶我垂髫日同君鼓篋時烟霞林下約雞黍夢中
思四十年如電三千髮已絲莫言皆老拙且訂歲
寒期

又

往事不可問舊遊餘幾人永懷憐道遠久別覺交
親爾我幸強飯兒孫能負薪開尊頻促膝笑殺白
頭新

內兄車一中來自五羊甕選故里見過留酌
不覺兩年別驚聞一棹來移家尋舊侶折屐破深
苔生計江湖拙年華男女催相逢卽分手尊酒且
徘徊

伯祥姪謁銓北上詩以別之

萬里從茲始扶搖莫費停老夫方窳籜稽之于辛明

西園存稿 卷之五
經遠樹含斜日孤帆起別汀
儒冠良不誤珍重舊
袍青

又

瓦屋家聲舊榕溪物色新
囊携梅嶺月銓試杏壇
春應念東方老誰云北阮貧
一官須努力慎莫染
風塵

伏日招同李黃陳三廣文汎集改席恰受航
對月

愁霖經兩月汎夜共扁舟
陰翳應銷盡清光今滿
不誰開塵匣影獨照酒船頭
仕客去同馳微雲且
莫流

又

驚波翻激灩短棹擊空明
淒斷數聲笛沿洄無限
情近人原皎皎汎水更盈盈
此夕已如畫明朝陰
復晴

余藏書甚富日多殘脫今歲苦雨有事裝潢
雲屏韓公以法糊見示賦而謝之

自嘆書連屋生涯不值錢
案螢乾欲外簡蠹飽猶

西園存稿 卷之五
眠甲乙呼兒檢縹緗次第詮青泥傳秘訣不用續

韋編

唐明府以馴鹿見貽賦此呈謝

皂衣將德命瓊角喻深心曾夾神明轂來遊木石
林疑從蕉下得不向夢中尋把筆歌攸伏薰風候
鼓琴

泰和蕭君還拙以青馬氏客端州十六寒暑
天館於余者甫三年鄉思忽動孤舟逆發既
沿其別復望其來乃留其家還拙以古人行

談古人術往往能取令人信第令人得還拙
曰地師余得之曰人師也故於其言別也既
爲之治裝復爲之賦詩

強年方入粵晏歲暫還家數口我堪託孤帆路不
賒鄉音殊未改容髻覺初華此別無他贈清尊對
菊花

又

綠玉手中杖金函肘後書逢人問方寸知爾妙堪
興誰謂騎無鶴猶聞食有魚重來休隔歲應念老

閒居

鄧玄度觀察以歸興十章見寄 用來韻漫

賦草土餘生不宜拈弄筆墨第蘭契久瀾芳

訊遙臨掩泣抒懷罪我勿計也

纔聞開栢府何事臥柴門遠道新歸客荒山舊隱

邨因吟湘水句玄度有浮湘集行世知汎武陵源宦拙惟清

白千秋付子孫

其二

世事皆焦鹿生涯在釣車錦囊携白雪綵筆散餘

霞像直論暴火草休官不待瓜歸來蘆荻呼云是漢

江槎

其三

地僻桂松蒲身閒魚鳥親出門詩有料入室甌生

塵蘭佩雖堪紉柴車且莫巾德星原是客帝座近

何人玄度有堂曰德星來索拙筆題額

其四

遊壯心仍壯官奇歸亦奇玄度後觀察蜀中楚人叩閣借冠遂指楚泉近

有齒歸竟壺清原白五繩直是朱絲北闕雖蹲豹

西園存稿 卷之五 五
南天獨駕螭菱荷猶可製何必問迦黎
玄度書云近與袁太

孟北部作空門友故戲及之
其五

誰能賢避路故作倦投林煮石壬峰北疏泉癸水
陰畏人防敖骨耽句耗雄心不遠追鋒駕居山且
莫深

其六

獨握如椽筆時揪似戟鬚折芳山有鬼頌橋木爲
奴見說開三徑何須汎五湖迷津如欲問莫忘老

農夫

其七

偃蹇軒裳客棲遲雲水鄉尋僧參半偈採藥試新
方合眼棋枰側高眠酒甕旁能聞有今日始覺舊
時忙

其八

一枕青山裏雙橈碧海邊乘潮收鱉稻帶雨種蠶
田作賦猶能賣酤隣不乏錢試尋遂初語高揖謝
前賢

其九

還爾三旌貴留余八尺身如何日暮處俱是遠行人
春後官纔棄之來食已貧尚堪宣室對不用賜
黃銀

其十

屋後數竿竹墻邊幾畝桑自憐臣袖短空負 聖
恩長病起繁霜鬢生還老夕郎赤松知有約能否
節休糧

管乘沈二尹畫舫入郡時尹以輸粟省臺過

歸攝病賦而訊之

野老乘官舫孤帆挂夕曛自嫌青鷁動驚起白鷗
群告糴時方棘勞賢君獨聞豈知蓮幕客却是沈
休文

暮春同郭善伯塾師謝孟忠外姪入郡

初晴移畫舫有客試絺衣蹴浪帆初飽迎風棹欲
飛人同郭有道詩詠謝玄暉誰謂春江晚春江草
正非

病中柬兩修丈人時丈人亦伏枕半月矣

我病君來問憐君病亦同王戎應斷客蒲奮不禁
風曾否楊生財將無壁挂弓何時一尊酒沉醉兩
龍鍾

八月初八夜宿趙氏浮翠堂觀兒輩入試

池上涼颿發簷前纖月升竹鳴玉露泫花動錦波
會棘院火城合文壇赤幟登蟄雷聞奮擊神物定

飛騰

七月初十雷擊堂前柳

戊午初度里中諸君子皆以詩見壽賦此志
謝且訂西園雅集

自笑吾非故空憐食尚彊雌辰週甲子老幹飽風
霜皇益曾開徑論文待舉觴始知湖海氣多在少
年場

喜駱翁汀七十有一

德里稱深口耆英日鷺汀王正開四日春酒祝千
齡玉竦前堦樹弧懸南極星由來仁者壽不用五
禽經

又

曾聞萬事足能畚一官歸先飯今猶健遐齡古已

西園存稿 卷之五
稀尊中鄭虔酒瞭下老萊衣更有西園叟年年共
採薇

巳未中和節柬韓寅仲

春光殊澹蕩令節是中和斗酒喜初熟啼鶯何處
多聞君親藥裹有客理漁簑欲向桃源去迷津可
若何

三月三十日問韓寅仲病

不到桃源久今聞春水生憐君尚高枕繫我已深
耕欲挽殘春住空寄濁酒傾傾停雲頰徒倚飛絮故

繫繫

巳未生日郭善伯以詩見壽率爾賦謝

初甲巳加二開尊憶去年昔投青丘案今惠白雲
篇花底正堪醉竹根誰共眠舊遊君莫忘已辦杖
頭錢

庚申元日試筆

西園有遺老六十復加三湖海氣不減烟霞癖轉
繁石花啼一鳥呼酒擘雙柑何處春光好青山南
又南

其二

帝曆今朝啓正春次日新聰明鞭得盡富貴祝空
頻人老酒無力春來詩有神不須論甲子我欲守
庚申

春日鷄足山人和陶元亮歸去來辭見訪攝
病愁霖不得言晤賦此奉謝

謝客已一月論交自昔年何來黃綺侶忽貺紫芝
篇霖霖荒林雨淒淒迷宿莽烟和陶今止酒訪戴且
題船

曾文鄉先輩以便面詩作奇字并畫見投對
使用來韻賦答僕嗜古文嘗有六書故梓行
於世獨老腕有鬼不能數作奇字時文卿年
僅十六既精六書復攻古文其可畏也

遊地球幾滿揮毫紫翠浮我非元禮輩君是子雲
流漢終軍安得一尊酒鷓逢七月秋相期不相見
悵望海西頭

七月九日五噫

客久緣何事歸遲真浪遊計期纔兩月憶別似三

秋夢起月在枕夜深人倚樓前宵君見否織女嫁
牽牛

其二

觸熱客行苦驚心秋色新友生卿可仗僮僕豈相
親已說逢迎少胡然道路頻儂非紅粉輩君是白
頭人

其三

在家曾簡出作客不辭勞爲問孤帆遠何如一
橈高眉翠知懶畫背癢倩誰搔迢遞歸心客能無折

大刀

其四

爲誦衾裯句非關兒女情君心原惓惓我夢亦卿
卿見說魚爲服誰憐鶴已鳴提携頻問訊遲爾共
含錫

其五

欲語不得語將歸應未歸頃筐盈卷耳在室有伊
娥翠幃流蘇冷銀河破鏡飛五侯鯖莫戀須念有
調饑

匡雲僧以詩見訪用來韻却答

我方思惠遠君却訪淵明瓶鉢隨緣駐雲山取次
行喜無蔬笋氣刺有薜蘿情欲談西來意西歸且
結盟

其二

莫問法華轉何須轉法華爲僧原有髮捨俗不離
家共喫肉邊菜時餐海上霞津梁猶未息爲爾一
拈花

秋口李伯開從豫章來訪慈門者不能肅客

投詩而去因用來韻以詩代書竊效盍簪即

圖投轄

豪氣憐湖海新詩到薜蘿人林期把臂叟杖共行
歌我集一枝木君巢片葉荷明珠應萬斛惟底暗
投多

其二

水落沙籠竹雲深石抱蘿何來題鳥客尚唱採芝
歌開襟貽佩蕙投轄折擎荷欲結烟霞侶如君百
不多

李伯開見過小園共訂羅浮之遊用來韻却
答

堽戶江雲北開林野郭西媿非楊子宅薄擬武陵
溪客少常懸榻君來爲濕泥相期坐黃鶴仙路且
提携

九月七日雨中李伯開欲過小園用前韻以
詩促之

重陽如風雨佳客悵東西倒影霞明樹晚晴雲度
溪提壺今入市騎馬且衝泥縞帶盟初合誰能復

解携

羊城某文學宣泰昌 新詔於潮取道榕溪
以詩見投因同舟入循賦此却贈

喜遇題橋客同乘破浪船手持黃紙詔來覘紫芝
篇攬轡鳳城月揮毫鱷渚烟却憐頰望帝馬首有
啼鷓

米山人客困寶安詩以招之

漫憶吳關別驚聞粵徼行十年勞夢寐一水隔逢
迎客久拙生計途窮尋舊盟羅浮雞黍在何必五

西園存稿 卷之五 十三
侯鯖

辛酉寒食苦雨

彌月已苦雨今朝仍禁烟一蛇歌獨處黑蜨躍重淵
舊火忽以改冷灰何用然艷陽覺虛擲遮莫菜花妍

閏餘百五節陰暄兩三旬綠暗花容靨枝垂柳眼
顰更憐潑火雨妬殺惜春人恠底愁霖者趨炎態
日新

李伯東方伯以西粵晉南岡鄉過榕溪話別

因用少司空陳公韻賦贈

屏藩環百粵詞賦擅千秋桂海烟波濶蒼梧雲氣
幽言尋度子去岡署在滁琅琊山有度子泉且續醉翁遊新玉

方求舊公爲第一流

已載鬱林石時停榕水橈塞淵膺岡命式玉賦祈
招几几瞻周袞番番入漢朝追鋒聞已駕勿謂五
雲遙

辛酉秋日正甫先生招集日涉園用來韻賦
謝

西園存稿 卷之五
往事鹿爲夢時情貉聚丘憐君懸一榻好我共千
秋老不因人熟歸嘗與婦謀曾聞占紫氣且復醉

青州

辛酉秋日寓五羊喜寅仲至

日下文章厄門前荆棘深可憐羊叔子猶作魯曾
參時寅仲有無妄之訟秋色滿天地浮雲無古今畏人同作
客遲爾一開襟

過蘇汝載同韓寅仲

岐路吾生拙芳林秋意多一枝堪寄款雙劍共悲

歌北闕渾無夢南山空有羅杖藜長泣血

辛酉秋日同蘇汝載韓寅仲過訪張文弱不
遇

憶別歲已隔重來秋正新相期須十日不速有三
人各自題門少君何却掃頻白頭向青眼非爲問
迷津

壬戌元日試筆東里中同社諸君子并訂椒
盤之約

西廬存稿 卷之五
問歲六加五逢年戌上壬風塵嗟滿眼花鳥轉關
心舊業兒孫拙幽懷歲月深共聞饒麴蘖何日許
相尋

歲從今日始春向隔年來錦夢喜猶劇文心尚未
灰擊缶歌伏櫪把酒獨登臺但得衰顏駐何妨笑
口開

今日是元日新年憶舊年物情隨歲換老態受人
憐短竹疎花處殘山剩水邊殷勤語朋輩幸有杖
頭錢

仲師宗雅見過小園喜而賦贈

久矣吾衰矣胡然汝惠然停雲能命駕棹雪不迴
船作客逢秋半登臺喜月圓東山已高枕努力有
阿玄

譜牒通華胄衣冠盛本支因歌行葦句來赴竹林
期汝自宗能亢人言叔是癡千秋兒輩在遙汝奏
埤荒

癸亥元日試筆

新年對舊酒舊筆寫新詩避地苦不遠鑿坏何太

西園存稿 卷之五
遲雙瞳漸欲翳萬卷尚能披讀罷無餘事溪頭理
釣絲

年今六十六老態復何如眠食差能穩交遊喜漸
疎不辰逢碩鼠無歲詠頽魚未了餘年債閉門惟
著書

人日戲筆

今日是人日今年勝舊年久晴花盡放初暖柳爭
妍不作山中相詎爲地上仙一尊三小婦相對亦
欣然

八日江行望白鶴峰東黎倩

一峰天外立孤棹鏡中飛白鶴不復返金蓮何處
歸自憐牛馬走應笑芙蓉荷衣有美東床客端居戰
勝肥

荆璞巖大父暫還雲陽便道入羅浮時余暴
病不獲赴別幸雲陽文學江孟辰過訪小園
賦此寄懷

老我烟霞癖多君湖海豪入門惟看竹投轄且持
螯爲憶神君去空憐野夢勞干旄何日返重駐浚

之郊

客自尋三徑余今失二天
望碑空墮淚伏枕阻攀
絨誰謂關難叩遙期袞再旋
甘棠有遺詠高勒聚

霞巔

聚霞羅浮第一峰也

步韻寄和虔鎮唐美承中丞見貽便面清夜
聞葉詩

就日憶上宰臨風懷好音
來投青玉案遙聽紫瓊
琴五夜忽三弄群仙問九
啗白駒何日奏剪燭共
關襟

重過小桃源

秋色今已晏幽人何處尋
籬疎多虎跡樵熟變鴛
音數月始相過孤尊聊共
斟樓頭同指點繞檻白
雲岑

問匡雲僧病

道路難如此津梁疲若何
誰爲驅二豎我欲問三
摩定出是還禁空頑詩有
魔願言長駐錫小圃卽
祇陀

汪士元參軍冬日以詩見懷用來韻寄答

西園存稿 卷之五
相逢數載前岐路正相憐君是鮑明遠余非原巨
先苦驗惟白墮搔首問青天大業名山在千秋定
不騫

苦雨

正月至二月未有不陰時天漏石難補春寒龍轉
癡鶯花偏見妬笠屐最相宜曝背何時獻愁霧且

賦詩

恩詔賜復冠帶縣大夫雨中携酒賜賀賦

呈謝

數載雷霆譴餘年犬馬軀 聖心逢浩蕩臣幸

須臾後就冠裳列均沾雨露濡冷灰今已滿不敢

借吹嘘 時大夫有戲相推較之語

十五年前事一場春夢中衣冠新影戲 余煇文詩有承夜不

須觀影戲明朝白晝更堪觀今自犯之矣笠屐舊園公覆水惜餘瀝落

花羞故叢開尊咏麟趾醉殺些些之翁

欣然已天逸忽爾復天黥對鏡笑孫笑入群魚鳥

驚可是望門嚙曾為戴幅飭所蘭吾豈敢何事縛

塵纓

安得駒維谷從他貉聚立逢場聊作戲破甑莫回
頭且作烟霞主還同麋鹿遊樂饑歌泌水此外更
何求
自笑溝中斷空餘爨下材冥鴻不可慕滄鳥莫相
猜北闕渾無夢南山空有臺喜逢新甲子恩自日
邊來
擊壺歌伏驥拔劍聽鳴鷄緯血宗周闕吟魂楚澤
迷蓬蒿已滿徑桃李未成谿爲問魚鼈餌何如龜
曳泥

甲子秋七月入寶安過訪鄧玄庶觀察鏡園
同尹用平溫爾惇兩年丈飲隣仙樓用杜少
陵遊何將軍山林十詩四十韻

出郭四五里穿林三兩橋迴谿環寶鏡層構切璇
霄客是乘風至君非折簡招伊人盡仙侶霞外共
逍遙

地僻烟霞古秋新水木清
荷花常帶蝶種柳爲留
鶯共醉瓊杓酒
謝玄卿事
分玉糝美正憐形問
影却何鏡中行
見續仙傳

憶別契已濶重來樂不支連牀花底雨投轄柳邊
池我輩喜長在外人那得知樓頭龍氣合五色正
紛披

在煩山如畫分題筆有花文會誇隱鶴珠已握靈
蛇樹密秋光媚臺高月色賒不須問蓬岳大藥在
隣家

花徑緣溪轉柴門傍竹開疏渠澆齒苔選石護榔
梅酒態吹風去詩情逐雨來落花閒不掃恐損石
欄苔

河遊惟鹿豕引興有林泉片語皆黃絹幽懷重楚
綿時來問字客日損賣文錢地主直千古前身在
輞川

瓦盤青飀軟石鼎紫茸香竹翠攢朝露荷風借夕
涼食苹文鹿伏在藻錦鱗藏最喜開林處旗峰獨
鬱蒼

凌波舟作屋處陸屋乘池石齒響鞞角花鬢絳接
羅爲尋許道士不問蔡家兒努力共幽討時時杖
履隨

破雨山啼鳥登臺衣濕雲卯醒仍命酒泥飲亦論
文花暈露初泫岸痕潮已分美人貽雜佩蘭蕙日
續紛

良會既不偶清權當若何君雖一不少我亦百非
多醉舞月留影咏歸山答歌買鄰今已就得酒使

相過

時欲卜築
寶安江上

冬夜韓寅仲趙裕子見過留酌

麴蘖粗能了枯魚可共焚瓶梅香灼灼樓月白紛
紛不失幽林氣言尋麋鹿群呼盧頻剪燭傾釀且

論文

我愛韓康伯能携趙子柔一尊同二妙片語亦千
秋咄彼獠升木從他貉聚立青山憐我輩白首共
沉浮

乙丑人日韓寅仲明府訂過靈閣詩以迎之
元日至人日未有不晴時來客已不速行杯寧想
蓮柳含新意綠花戀舊年枝覓句酬春色同君一
解頤

寶安王幼度明府以戈船見迎爲燈夕之會

喜而從之得八十字并貽寶安同社諸君子
仙今不遺舊王春已獻新黃頭戒途卒白首出疆
人爲憶論文酒今逢賜福辰樂郊饒樂事燈火共
燒春

客棹忽違適江天殊放晴盟尋贈帶好老作踏歌
行坐滿平原客琴鳴單父城燒燈十萬戶應讓福
星明

汪士元參軍歸四明有感贈之以詩
有骨若無力南唐孫晟有骨不什無力相援無官幸有名自憐工

鼓瑟何意拙象卿我是畫地餅盧毓言有名士如畫地餅不可啖食
君爲戴帽餉梁彥光爲相州以簡易廉平得民悔自呼爲戴帽餉有力者讒之免官悔
言覓五斗誓不羨三旌

已辭榮祿去莫遣慧心灰筆白夢中得句從天外
來文章原負俗明聖不需才今日白頭別何時青
眼迴

漲解行園卽事

澤畔褰裳去泥中信杖扶居巢鳩喚婦得食鶴將
雛未掃菊松徑先尋瓜芋區荷鋤仍學圃幸免負

官租

漸喜水歸壑猶驚浪拍堤女墻皆臥地鮒井半蟠
泥並坐鶯無語向人烏欲啼自憐樓百尺依舊與
雲齊

楂梗聚芸砌町疃成蕘淵潤侵籬迸笋痕退陸生
蓮魁蛤不敢吠奇鷄今因眠曝衣因曬腹飽飯亦
便便

精衛已銜石阿香休踏車網羅四壁蟬鼓吹一庭
蛙樹板藤猶蔓欄崩藥未芽庾郎問鮭菜笑指水

梭花

甲子秋日入鄧玄度鏡園得詩十章次杜少

陵過何氏山林韻乙丑春正月重入鏡園復

次少陵重過何氏山林二十韻得詩五章

我為前度客君有當年書再臨亦後幣問奇頻造
廬松眠雲外鶴蓮戲石邊魚自笑買鄰者何時更
卜居

昨到竹已密今來影更移護根花鴨子細錦籜龍
兒藥圃蘭盈畹葑田潮半陂春明防俗客酒為補

西園存稿 卷之五
疎籬

一徑水雲處萬家砧杵時長杯對短檠舊客把新
詩睡熟曾吞錦夢來休挂絲且携白社客同赴赤
松期

擊鉢韻常險敲燈話更長瓦盤供菜甲石鼎試茶
鎗但種陶潛秫休持蔡澤梁重來花信好酌醴薦
東皇

把臂復今日人林從去年池開環玉溜登滿暈珠
泉松菊已成經絲麻亦有田千秋自光燭不必冷

灰然

贈歐嘉可文學先內兄車刺史宜仲快婿也
業擅千秋家徒四壁長裾不曳短檠時親結
襦之日宜仲倩余以桂林一枝題其貳室喜
可知也今歲之秋復可令鄰生地下笑人乎
詩以勗之無忽

憶別三年濶相遇數日勤凌雲饒綵筆閉戶好女
文且徙南溟翮宜空北冀群千秋吾自信半席汝
須分

何仲升總戎以戈船護行賦謝

神交今握手長揖即登堂

出疆
馬人環虎帳龍戶擁麟璋利涉恩波滿戈船載

丁卯夏偕郡侯徐公韶階入羅浮

摧木聽懸溜寒裳涉古湫梯雲兩仙令時兩明府賈勇共登

泉源福地漱石獨元侯欲問蛟龍蟄因携鹿豕遊

頰沅濯不是學巢由

東還留別羊城司馬

又是三年別相看一水遙寒新雲帶雨夜永月留

潮豈不謂行露誰其賦食苗江湖今遠適藁桂不
須招

次石龍寄訊鄧玄度會長

數口還榕水孤舟渡石龍浮家珠海客尚枕鏡闌

公夢起丹楓月帆歌白鴈風遙思歌舞處稽阮竹

林同玄度有竹林七賢傳奇行於世

舟中九日

已說歸途近如何歸夢頻稚兒常屈指小婦轉念

飄落帽髮非舊題糕句正新西園萸菊在曾否憶
遊人

望羅浮

擊汰迴風便牽江積霧開盈盈一水去歷歷巖峰
來爲報青鸞客相期白玉臺三人今禁足猿鶴不
須哀

劉觀國方伯以閱甫亭索詩賦贈

簷留繫繩日簾却濯枝風隱几無言處回頭微笑
中獨知有直契衆美且玄同請看人間世還從河

上公

冰上人至自中宿以詩爲贄病中下榻賦以
贈之

蓬蒿初闢徑薜蘿已全花閱世唯高梵爲僧未出
家何來持半偈剛說演三車能使泥鰌客超然識
聚沙

振錫能三繞柴門始一開園慙長者宅客有藥王
來啜茗齏朱貝題詩掃綠苔莫言覺一宿解夏始
應迴

西園存稿 卷之五
病起答友

愧甚詩篇至飄然步履來雌黃月旦口雄白古今
才世態元相藉時名祇自猜所餘衰骨在爲爾轉
悲哉

文園非寂寞詞客自蹉跎意氣彈冠少風塵按劍
多倦遊恁馬史問藥愧羊何不是縹袍者誰能把
臂過

敢謂耽詩病其如病所憐一身元落落二妙故翩
翩次第黃初後縱橫大曆前豈意裁恨賦寫向故
人傳

贈琴妓

珍重明璫珮慙勤水蘊絲日成投果處心挑送鴻
時客自臨卬倦人猶緜嶺期夜深香一縷曾譜白
頭詞

過飲黃周士小園枉詩見贈隄今三載再入
五羊重辱招呼乃克和答

正喜開尊日仍逢看菊時好題五字去長憶隔年
期野水盈盈瀾浮雲故故垂相逢愁自失唯報夢

西園存稿 卷之五 三六
頻馳

青尊長共對白日坐能移但使龍文合何妨鴈字
遲城高新月小海漲晚烟垂轉惜分携地秋光照
玉羈

贈徐九瀛觀察

粵比陽春滿天南福曜明翰屏萬里壯嶺海一時
清談績高銅柱酬勲賜赤旌遙聞畏壘祝先遍伏
波城

題華誥天申卷贈蕭郡丞思遠

贊郡羅浮下承恩日月邊家傳七葉貴誥錫五花
鮮展驥淹題駕分麾蚤着鞭其期徵拜日酌水饒
重天隋趙執丞齊州奏最優詔徵入父老揮涕隨
逐日上清如水請酌一杯水奉饒執父而飲
之

病中奉和伯聲親家見答送菊之作

園菊聊相贈新詩忽見貽團團枝上露采采水邊
籬病態日云劇孤芳祗自知何時彭澤令來赴野
人期

病齒半月飲噉漸輟市醫奏方十不一驗偶

西園存稿 卷之五 三十九
遇曾君華宇授以秘方曰此一醫人嘗受五十金之賞於當事者也余初疑之數日齒病逾甚乃試其方一旦復常曾君能詩因以詩謝之得四十字未知一字足當一金否倘從此齒不復病卽謂之千金方可矣

衰病凋雙鬢幽憂耗五官守瓶嗟舌在漱石恐唇

寒欲效昌黎詠

韓昌黎病齒有詩

難逢方士丹

唐高力士常飲賜堇

西園擊去偶以異人冊傳之輒復生

多君傳秘術從此可加餐

初夏何凝生以詩見訊近况次來韻

空餘天際想錯擬地行仙抱犢飛雲下挂歌叢桂
邊僻卧枕奇石饒涎漱乳泉逢人常白眼入夢有
朱絃

贈陳孔嘉還福唐應棘試

整入蓮花幕還披柳汗衣青萍匣裡吼白雪唾中
霏六月亦已息三年試一飛西園長掃徑莫忘舊
葑菲

余幸病間桃源主人以微恙謝客詩以訊之

東郭桃源上西園榕水邊多時吟獨苦此日病相

西園存稿 卷之五 頻馳

青尊長共對白日坐能移但使龍文合何妨鴈字
遲城高新月小海漲晚烟垂轉惜分携地秋光照
玉羈

贈徐九瀛觀察

粵北陽春滿天南福曜明翰屏萬里壯嶺海一時
清談績高銅柱酬勲賜赤旌遙聞畏壘祝先遍伏
波城

題華誥天申卷贈蕭郡丞思遠

贊郡羅浮下承恩日月遶家傳七葉貴誥錫五花
鮮展驥淹題駕分麾蚤着鞭共期徵拜日酌水餞
重天隋趙軌丞齊州奏最優詔徵入父老揮涕隨
逐日上清如水請酌一杯水奉餞軌受而飲

病中奉和伯聲親家見答送菊之作

園菊聊相贈新詩忽見貽團團枝上露采采水邊
籬病態日云劇孤芳祇自知何時彭澤令來赴野
人期

病齒半月飲噉漸輟市醫奏方十不一驗偶

西園存稿 卷之五 二十九
遇曾君華宇授以秘方曰此一醫人嘗受五十金之賞於當事者也余初疑之數日齒病逾甚乃試其方一旦復常曾君能詩因以詩謝之得四十字未知一字足當一金否倘從此齒不復病卽謂之千金方可矣

衰病凋雙鬢幽憂耗五官守瓶嗟舌在漱石恐唇

寒欲效昌黎詠

韓昌黎病齒有詩

難逢力士丹

唐高力士常飲賜堇

齒焦擊去偶以異人丹傳之輒復生

多君傳秘術從此可加餐

初夏何凝生以詩見訊近況次來韻

空餘天際想錯擬地行仙抱犢飛雲下挂歌叢桂
邊醉卧枕奇石饒涎漱乳泉逢人常白眼入夢有
朱絃

贈陳孔嘉還福唐應棘試

暫入蓮花幕還披柳汗衣青萍匣裡吼白雪唾中
霏六月亦已息三年試一飛西園長掃徑莫忘舊
葑菲

余幸病間桃源主人以微恙謝客詩以訊之
東郭桃源上西園榕水邊多時吟獨苦此日病相

西園存稿 卷之五
憐少我惟三歲期君共百年所需非藥物且辦杖頭錢

正月五日立春

五日春方立三微水已漸風和桃獻笑溪煖柳舒眉共逐拖鈎戲猶唵送臘詩白頭簪綵勝伯伯果堪喚

蘇東坡事

韓寅仲七十有一以詩見貽次來韻賦而壽之

大年無甲子小品商支千韓衆應畱藥華陽爲轉丹菊松三徑在衡泌一枝安

先生有別業名枝園

蠟鳳滿庭

戲花前帶笑看

三仕豈爲貴千秋在此身退着讓新局隨緣結夙因東山方傲枕滄海莫揚塵我輩齊盟主清時老逸民

欲赴赤松約時聞青鳥過黑甜常睡就軟飽自摩挲杜甫原同癖王喬共吸和

傳毅詩

心閒詩作崇興

劇酒爲癡

已羨三皆立誰云七不能過庭森玉樹曳杖刻鍾藤此日真可愛如川莫不增燈光佛再出何必更

西園存稿 卷之五 三
傳燈

逢人憐影弄閑世
咲機春剩有烟霞想非同桃李
容門開垂五柳尼去得三筇
難老由天錫猶聞祝華封

曾辭南郭祿獨剪北山萊
數招雲外客咲弄掌中
杯竹松自苞茂蘭桂日滋培
忘機不知老鷗鳥莫相猜

賀海豐令周公課最

有序

萱羅浮之老農也
四體是勤六管一載出

疆之贊然君子之至於斯也亦未嘗不得

見焉侯令海豐一迴榕溪輒折節而暱就

之至必駐駕語必移陰問訊時勤歲時靡

間益高誼雲天矣萱自束髮而遊海內編

帶之好故自不乏唯侯則獨知之契指不

再屈者也侯今三年有成以最上聞嗟

嗟今日之海豐非昔日之海豐也三年之

間天或降災民常罪非歲鴟未革響鹿不擇

音侯移粟移民治兵治餉若救焚振溺然

食每輟箸寢不解衣故昔日之海豐至今
日而獲安其堵今日之惠郡以海豐而不
震於隣非侯之賜而誰賜哉惟是侯之政
教備舉文武兼資卽兩臺刻薦鄉校口碑
尚不能揄揚其萬一萱飲水思源蔭木思
本觀聽風謠遂得一百六十字凡四章以
窺記室豈曰阿私所好亦竊效康衢謗然
之歌云爾

聖世求民牧神君遠三憂循良冠五嶺勞勩閱三
秋鵲喜巢園土烏慈哺戍樓天南懸福曜嶺外借
言游

澤國日多故崑城歲復侵龍蛇常走陸夔罔復依
林制挺風雷厲原田雨露深中牟馴野雉單父坐
鳴琴

刻章書上考綸寵錫名賢自任催科拙惟知撫字
先庭前無甃拔梁上有魚懸欲勸張綱駕難投劉
寵錢

廩建魚呈夢珠還海偃波門墻環棧櫟絃誦樂菁

西園存稿 卷之五
義載咏懃棠句時賡擊壤歌隙光借鄰壁餘潤竊
洪河

辛未冬閏寶安黎宗瀚先輩過訪西園畱詩
未及投轄用來韻答之

客渡雙流上花迎一壑中來看娟娟竹遙呼點點
峰江湖懸關此身世避墻東却喜瓊瑤贈何時尊
酒同

甲戌孟秋觀察廉翁陸太公祖以詩箋見貽
并分題索諸拙句未同幸辱接瑞獨契敢忘

報李用來韻賦謝二首

赫赫具瞻尹洋洋大雅篇右文逢聖主陳臬借才
仙永譽兼三立靈心徹九玄依劉難縮地御李想
揚鞭

倚相久不作素臣誰與儔君名懸日月世業癘春
秋倒峽思常湧挾天筆更遒嚶鳴空寤寐尺素莫
沉浮

邑佐潘侯偕鄉友移樽小園日廢已久不能
趨侍賦此奉謝二首

西園存稿 卷之五
爲問明經士胡然因簿曹絲毫散霞綺白眼撐天
高手板雖常執冰清能自操駕時知有日且莫厭
塵勞
骨傲宦難巧才多官自貧芳遊非汗漫野飲見清
真看竹不問土尋源數涉津自憐陽里子不獲撫
車塵

丙子夏五我生之初譚廣文以詩見壽用來

韻賦謝

符祥愧是男長卧髮僧庵但願年常百何知祝右

三鷄壇曾狎主驪頷尚能探自惜東門伯何時酒
共酣

竭力爲耕鑿全身在笠簑千秋一不少四海百非
多推食勞鷄黍尋盟共菱荷欲知鳩以處惟問白
雲窩

